

Concello da Caniza

Campamento urbano verán 2026

BASES

1. OBXECTO

É obxecto desta convocatoria o fomento da práctica de actividades físicas, deportivas e recreativas no medio natural e a ocupación do tempo libre e de lecer.

A **conciliación** da vida familiar, laboral e persoal segue a ser unha das grandes **materias pendentes** na sociedade actual e a súa falta segue a ser un dos grandes **atracos do desenvolvemento feminino en Galicia**, toda vez que, na nosa sociedade, o peso das responsabilidades familiares segue a recaer maioritariamente nas mulleres.

O coidado de cativos e cativas, persoas maiores e dependentes segue a condicionar a capacidade de independencia económica e social das mulleres, converténdose nun auténtico impedimento para acadar a igualdade de oportunidades e dereitos entre mulleres e homes.

Esta situación vólvese aínda máis complicada nos **períodos non lectivos**, nos que rapaces e rapazas non acoden á escola e, polo tanto, xorde o problema de facer **aínda máis difícil compatibilizar** o seu coidado cunha actividade profesional.

É o ámbito municipal, pola súa proximidade á cidadanía e polo coñecemento da situación específica da súa poboación, o idóneo para o desenvolvemento de accións tendentes a garantir a igualdade entre mulleres e homes, para a prevención e erradicación da violencia de xénero, e para o establecemento das condicións que posibiliten a participación das mulleres na vida política, económica, cultural e social.

O coidado dos menores de idade, especialmente, ata os doce anos, constitúe un dos problemas aos que debe enfrontarse a sociedade, especialmente durante os períodos non lectivos, e corresponde aos concellos facilitar, na medida das súas posibilidades e coa axuda da Administración Autonómica, fórmulas que permitan a nais e pais continuar coas súas responsabilidades.

Por todo isto, o Concello da Caniza, pon en marcha o este programa de conciliación “Campamento de verán 2026”

A fin derradeira deste programa de actividades ten dúas vertentes principais:

1. Facilitar a tan necesaria **conciliación**.
2. Traballar pola **construción** efectiva dunha **sociedade máis igualitaria** na práctica.

Así, as actividades que se desenvolverán durante o mes de xullo de 2026 van **máis aló de ser unicamente un programa de lecer, son un programa de educación para a igualdade**, tendo esta perspectiva como material transversal de todas as actividades.

Concello da Caniza

No marco do devandito proxecto e para a consecución dos fins que se veñen mencionando, levaranse a cabo unha serie de actividades nas que se fomente a igualdade real a través da colaboración entre nenas e nenos en diferentes accións, e así evitar, a través da prevención, todo tipo de discriminación por razón de xénero, ensinando e potenciando unha sociedade máis igualitaria.

O Concello da Caniza vén promocionando dende hai máis de oito anos a formación integral dos máis novos e das máis novas do concello, co convencemento de que na formación e na mellora da preparación e das competencias das persoas está a base para acadar unha sociedade máis desenvolvida, máis xusta e máis equilibrada na que non teña cabida a discriminación por razón de sexo e **nenas e nenos gocen das mesmas oportunidades e dereitos**.

Esta aposta pola formación está formulada baixo o prisma de que a educación en igualdade debe ser a base dunha formación integral das persoas.

Por esta razón, procúrase ofrecer á cidadanía da Caniza unha fórmula de **conciliación da vida familiar, persoal e laboral** que non esqueza a ferramenta máis potente que está a nosa disposición, a educación.

Analizando a realidade do concello, xorde a necesidade de facilitar ás familias un espazo e un tempo lúdico-educativo para as cativas e cativos durante o mes de **xullo**, que é o que supón a maior dificultade para as familias na Caniza.

2. TEMPORALIDADE

O campamento está estruturado en dúas quincenas:

- 1ª Quincena : do 1 ao 15 de xullo de 2026
- 2ª Quincena : do 16 ao 31 de xullo de 2026

3. PREZO

3.1. O Prezo de cada quincena é de 55 € (solicitude individual)

3.2. O Prezo de cada quincena é de 97,78 € (solicitude dobre-2 nenos-as inscritos no campamento)

3.3. O Prezo de cada quincena é de 110 € (solicitude tripla-3 ou máis nenos-as inscritos no campamento)

3.4. Unha vez confirmada a praza, o pagamento efectuarase na conta do concello da Caniza en ABANCA nº: IBAN:ES05 2080 5415 01 3110100045, poñendo como concepto “Campamento urbano 2026” e o nome da nena/o inscrito.



Concello da Caniza

4. PARTICIPANTES

4.1. Poden solicitar a súa participación nas actividades ofertadas as nenas e nenos nadas/os no ano sinalado para cada actividade:

- Grupo I: de 3 a 5 anos (é condición indispensable que os nenos/as de 3 anos teñan cursado o 1º ano de Educación Infantil, é dicir, 4º de Educación Infantil).
- Grupo II: de 6 a 9 anos
- Grupo III: de 10 a 12 anos

4.2. Os participantes disporán de actividades de carácter sociocultural, recreativo, deportivo e convivencial.

4.3. O transporte ata as instalacións será por conta das nais e pais

5. FORMALIZACIÓN DAS SOLICITUDES

As solicitudes e a documentación requirida para participar nesta convocatoria deberán axustarse ao modelo normalizado que se pode recoller na Biblioteca Pública Municipal da Caniza e presentarse cuberto na mesma biblioteca, sita en Rúa Progreso nº 21.

6. PRAZO DE PRESENTACIÓN

6.1. O prazo de presentación de solicitudes estará aberto dende o 4 ao 17 de xuño de 2026.

6.2. **Unha vez confirmada a praza as/os aspirantes seleccionados** deberán presentar do 18 ao 25 de xuño, a seguinte documentación:

- Xustificación do pagamento.
- Fotocopia da tarxeta sanitaria.

7. DEVOLUCION DE COTAS

Se unha vez obtida a praza e aboado o prezo correspondente, a actividade non chegara a producirse por causa non imputable ao interesado, procederase á devolución da cota aboada .

8. HORARIO

De luns a venres de 08.00 h (Recepción de participantes) a 15.00 h (Recollida de participantes).

9. LUGAR

A recepción e recollida de participantes realizarase no Pavillón Municipal- Rúa Carballo do Marco s/n, A Caniza.

Concello da Caniza

10. EQUIPAMENTO

- Gorra e roupa cómoda/deportiva e de fácil lavado.
- Equipamento para a piscina: gorro, chanclas, bañador, toalla.
- Botelliña de auga co nome escrito.
- Pequeno almorzo para media mañá.
- Botar na casa crema solar.

A Caniza, 02 de xuño de 2026